



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

Epistola XI. Zosimi Papae Ad Patroclvm Episcopvm Arelatensem. Aduersus
Proculum eumdem, eiusque ordinationes.

urn:nbn:de:hbz:466:1-14918

EPISTOLA XI.

ZOSIMI PAPÆ
AD PATROCLVM EPISCOPVM
ARELATENSEM.

Aduersus Proculum eumdem, eiusque ordinationes.

Zosimus Patroculo episcopo Arelatensi.

CVM & in præsenti cognoueris, & frequentibus a nobis literis ipse sis monitus, vt auctoritate metropolitani, quam tibi apostolicae sedis pronuntiatione firmauimus, Proculi ausibus conatibusque illis, quibus adhuc se putat aliqua posse turbare, huius rei oppressu occurreres, renitens rigore censuraque, quam pro regularum confirmatione susceperas: quippe cum & tibi nostrum delegatum nosses officium, & illum scires esse damnum; miror quid post ista Proculo liceat, ac vacet illa qua confueuerat, aut peiora committere. Quidnam putant vnde istam habeas potestatem tuam, frater carissime, vt censuerimus censeamusque quicumque de illis ad nostras regiones veniunt, sine tua non suscipiendos esse formata, nec probandum, quem non in prouincia positus ipse probaueris? Post istam ecce delegationem ad nos rumor aduenir, Proculum quasi consuetis ludere, & utrum mo-ribus suis, iunxisse sibi quosdam idoneos turbationibus homines, & post illa qua illi interdiximus ordinasse. Sed sciant, quibus hanc epistolam volumus in notitiam peruenire, suscipi se nullatenus posse, qui aut contra regulas repente, aut postquam interdiximus illi, sunt ordinati. Data III. Nonas Martias, Honorio XII. & Theodosio VIII. Augustis consulibus.